

अजमल घर अवतार धारियों,  
पर सेवकों तणी सदा पृथ्वी पाल,  
दुःख दालद मेटो सुख देवा जणा,  
पीर भिलमाओ बागे री चाल ॥

आद जुगादि अमर थोरी आशा ने,  
तुर बिन तारन दीन दयाल,  
मैं कूड़ा म्हारा सतगुरु साँचा,  
थे जन्म जन्म रा काटो जाल ॥

पुर बिन पाँख पंखेरु किया उड़सी,  
जल बिन मछ्रिया रो काँई हवाल,  
आप बिना केड़ी गत मोरी,  
थोड़ा राखो धणी नखे लगाय ॥

और किणरी पोळ पुकारू,  
थे मात पिता मैं झूले बाळ,  
रनी बनी री हाटां बाटा ने,  
रामकंवर धणी थे साँचा रुखवाल ॥

अनंत कोट पाये पर जालो न,  
खावण खूवण जमी पर जाल,  
शरण आयोडा रा पतंग जडीजे न,

पुन पाप धणिया परा निवार ॥

थे उसरो रा श्याम बणीजो,  
थांसू डरपे हैं बढ भोपाल,  
दूर भौम रा आवे जातरू,  
जणा दरगां देख चढे रहमान ॥

काज सरूपी दादो रणसी सिद्धा,  
भले सत सिद्धा खिवन मेघवाल,  
जिन्द त्याग वो जीव उबारिया,  
जणा बंधुवा छोड़ाया पीरां चवदे लाख ॥

भौ अगले री असल कमाई,  
इण भौ में धणी तिणका पाल,  
तिणका पालो संन्मुख रालो,  
थे सायल सुणो अजमल जी रा लाल ॥

अनंत सिद्धा रे शरणे आया,  
भले गुरां पीरा रे लागू पाय,  
देऊ शरणे हरजी बोले,  
सिंवरे जको धणी थे करजो सहाय ॥

अजमल घर अवतार धारियों,  
पर सेवकों तणी सदा पृथ्वी पाल,  
दुःख दालद मेटो सुख देवा जणा,  
पीर भिलमाओ बागे री चाल ॥

गायक ओमसा पल्ली ।  
प्रेषक रामेश्वर लाल पँवार ।  
आकाशवाणी सिंगर ।  
9785126052

Source:

<https://www.bharattemples.com/ajmal-ghar-avtar-dhariyo-ramdevji-bhajan/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>